

## Saradnja sudova iz Sarajeva i Banje Luke **Rješavanje komunalnih predmeta izmjestiti iz sudova**

Predsjednik Općinskog suda Sarajevo **Goran Salihović** i Osnovnog suda Banje Luke **Milan Tegeltija** ukazali su u petak u Sarajevu na potrebu jačanja saradnje dva suda, od čijih rezultata ovisi uspjeh pravosudne i ekonomske reforme u BiH.

Istakli su da rezultati ostvareni u ovim sudovima obavezuju na još veći angažman, uključujući i izmjene postojeće zakonske regulative.

“Pokrenuli smo aktivnosti sa javnim komunalnim preduzećima, zakonodavnom i izvršnom vlašću, Ministarstvom pravde i Visokim vijećem za izmjenu zakonske regulative”, rekao je Goran Salihović.

On je na konferenciji za novinare istakao da su za manje od godinu i po ažurirana četiri segmenta djelovanja Općinskog Suda Sarajevo. Ilustrovao je to podacima o 54.000 obrađenih

predmeta u Zemljišno-knjižnom odjeljenju, uspjehom u Registru za upis pravnih subjekata. Istakao je da sada registracija traje svega jedan dan, ako je dostavljena valjana dokumentacija, a ranije je taj postupak trajao sedam mjeseci.

Najveći problem Općinskog suda Sarajevo, ističe Salihović, i dalje su komunalni predmeti (800.000). Odlučeno je da se rješavanje tih predmeta izmjesti iz Suda, odnosno da se formiraju posebna odjeljenja: parnično odjeljenje za sporove male vrijednosti i izvršno odjeljenje po vjerodostojnoj ispravi.

Predsjednik banjalučkog Osnovnog suda Milan Tegeltija istakao je problem manjka sudija. On je naveo da je u prošloj godini u ovom sudu od 130.000 predmeta riješeno 101.000, čime je norma prebačena za 150 odsto.

**A. VATREŠ-NEZIREVIĆ**